



1. marts 2007

Inatsisartut Ingerlatsineranut Inatsisaanni § 36, imm. 1 malillugu imaattumik Naalackersuisunut apeqquteqaateqarpugut:

**Naalackersuisunut apeqquteqaat: Paasereerlugu internettikkut quppersagaqarneq aqputigalugu qanoq nutaarsiassaqaartitsineranut oqallinnermullu atorsinnaasoq – qulakkeerusupparput qanoq iliorluta qulakkeersinnaaneripput – peqatigiiffiit il.il. Kalaallit Nunaanni angerlarsimaffeqartut akisussaaffeqaratik kikkuussutsiminnik nalunaaruteqan-ngitsunut ammip qalipaataanut immikkoortitsisunut nikanarsaataasunillu oqaaseqartartunut imaaliillaannarlutik atuisinnaajunnaarsinneqarsinnaanersut?**

(Demokraatit Inatsisartuni gruppiat)

### **Tunngavigineqartoq:**

Inatsisartut upernaq manna ataatsimiinnissaminni suliassaraat tusagassiutitigut akisussaaffeqarnermut siunnersuutaasoq nutaaq. Inatsisissatut siunnersuutaasumi ullumikkut pissusiusut allannguteqangaartussaangillat: Inatsisissami tunngavigineqarnerpaavoq danskit tusagassiteqarnermut akisussaassuseqarneq pillugu inatsisaata 1991-imeersup Kalaallit Nunaanni atuutilersinnissaa.

Ukiut 15-ininngoreerput tusagassitigut akisussaaffeqarnermik inatsisip pinngortinneqarneraniit, maannakkullu tusagassiteqarnerup silarsuaa allanngorluinnarsimavoq. Matumani eqqarsaatigaarput internet qanoq atorineqartigilersimasoq, nutaarsiassanik aniatitsiviussalluni, oqalliffiussalluni paasissutissiissutaassallunilu. Taama ionissisimanera amerlasuutitigut pitsaaquteqarpoq: Peqataavoq oqallinnermut, isummanik paarlaasseqatigiinnermut oqallinnermullu. Peqataavoq innuttaaqataasut – nunap ilaani sumiikkaluarunilluunniit – isummatik sunniuteqalersissinnaammattigik inuiaqatigiillu ineriartortinneqarneranni peqataallutik.

Ajornanngeqaaq chatrooms atorlugu peqataassalluni nettilu atorlugu oqalliseqataassalluni, tassanilu ilanngunneqartartut amerlaqisunit malinnaaffigineqartarput. Quppersakkat ilarpassui naqitatigut saqqummiuttakkatulli atuarneqartigaat (ilaasortanut atuagassiat il.il.).

Qanorli ilillugu qulakkeerniassavarput taama periarfissiissutaasut akisussaassuseqartumik atornerqarnissaat – kinaassutsiminnik nalunaaruteqaratik atornerlueqqunagit pillarneqaratillu salluliutinik, ajuallatsitsiniutinik nikassaataasunillu atornerlueqqunagit?

Inatsisartuni partiit internettit periarfissiissutaanik atuisunit kingulliunianngeqaat oqallinnermut peqataatitsiniarlutik. Partiilli amerlanerpaat aqqissusimapput qulakkeerniarlugu partiip quppersagaata inatsisinik unioqutitsisumik ajuaallaatissanillu ilanngussaartoqartannginnissaa qulakkeerniarlugu.

Partiilli taamaaliorsimasut tamarmiunngillat. Partiimmi ilaat ataaseq - ATASSUT – suli ilanngusanut nakkutilliiveqanngilaq quppersakkamut ilanngunneqartartut eqqarsaatigalugit. Taamalu nakkutilliisoqannginnerata kingunerisimavaa tunngaveqanngitsunik ilanngussiniartut killeqanngitsumik akuliuttalersimmata. Demokraatit siulittaasuat Per Berthelsen Demokraatillu siulittaasuata tullia Palle Christiansen assersuutigalugu tamarmik salluliutigineqallattaarput, pisuutitsiniutinigut ajualannarlutillu nikassaataasumik.



Aamma ATASSUTip quppersagaani ilanngussisoqartarsimavoq toqqaannartumik ammip qalipaataanik akerartuutaasunik. Ilangutissavarput quppersakkami ajornartorsiutaasumik takutitsisuulluar-toq:

”Qallunaat imminiiginnakkit, pillutik pillutik immamut marsuttusaapput nunassaarullutik, sermersuup aakkiartornera taamaaginnassapat. Biibilimi ulersuaq inuit ajortut ajunaarfissaat piviusunngulernerpoq?

Siunnersuutigaara sinerissami ikkarluppasuaqaratta, qallunaat nunassaarukkunik tummarfissaannik ikkarlunnik katersuiniassasugut.”

Ajoraluartumik kinaassutsiminnik nalunaaqqaaratik ilanngutassiisartut oqaaseqaataannut akisussateriarsinsnaangilagut. Tamannalu tunuliaqutaavoq tusagassiateqarnermi inatsimmi malittarisassaqarmat saqqummersitsisoq akisussaasorlu akisussaatinneqassammata – taamalu piumasaqaateqar-nikkut siunertaavoq qulakkeerniassallugu saqqummersitsisartut akisussaaffigimmassuk ilanngutas-siat pinerluttulerinermi inatsimmik unioqutitsisut piiarneqartarnissaannik.

Ajornartorsiutaaginnarporli internettikkut quppersakkat tusagassiateqarnermi akisussaaffeqarnermik inatsimmi ilaatinneqanngimmata. Qaammatikkoortumik ilaasortanut naqitanngorlugit nassiuunneqar-tartut ilaatinneqarput, peqatigiiffik amerlanngitsunik ilaasortaqaaraluarpalluunniit. Qaammatikkoor-tumilli tusagassiisarnert quppersagaq aqcutigalugu internettikkut saqqummiunneqaraluarpataluun-niit aatsaat tusagassiinermi akisussaassuseqarnermut ilaatinneqalertarput peqatigiiffik nammineq saqqummiussisuusoq nammineerluni tusagassiateqarnermut naliliisartunut nammineerluni nalunaa-ruteqarsimappat.

Naalakakersuisut tusagassiuinermi akisussaaffeqarnermut inatsisissatut siunnersuutaat akuersissuti-gineqassapat aalajangiinissaq peqatigiiffimmiikkunnaarluni tusagassiateqarnermut ataatsimiitita-mut inissinneqartussaavoq. Tamanna qularnanngitsumik pitsannguallaatitut isigineqartussaavoq. Sulili qularnaqaaq qanoq annertutigisumik partiit quppersagaat tusagassiuinermi akisussaassuseqar-nermut ilaatinneqassanersut. Tassanimi tusagassiateqarnermut ataatsimiititaq aalajangiisuulluinnar-tussaavoq.

Apeqqutaalerpoq ulluinnarni pisariaqartitsinermut tamanna naapetrtoonnersoq. Imaattussaasiman-ngikkaluarnerpoq – quppersakkat atornerqarnerujussuat eqqarsaatigalugu aammalu ullumikkut Ka-laallit Nunaanni oqallinnermut atorluarneqarnerujussua eqqarsaatigalugu – erseqqissumik malittari-sassanik ilaqartissallugu, qulakkeerniarlugu peqatigiiffiit il.il. Kalaallit Nunaanni angerlarsimaffe-qartut akaisussaassuseqaratik quppersagartik kikkugaluartunulluunniit kinaassutsiminnik oqaati-ginnikkusunngitsunut atugassiissutigissanngikkaat ilanngunniakkat aammip qalipaataanik immik-koortitsinermut nikassaanermulluunniit atornerqaqqunagit?

Apeqquteqaat tighuneraniit ullut suliffiusut qulit qaangiutsinnagit akeqquneqarpoq.